

## **NIGITIWATAALE LIWAKATE PEDRO**

Naḡadi niwakate niḡicota mitiwataale liwakate Pedro me didikotibige niḡijo loiigi Cristo ani-laagitibece. Pedro yalaḡata Aneotedoḡoji me ligegi micota me najigotedoḡowa niḡicoa ane daḡaxa mele anigida noko, codaa najigotedoḡowa ḡodoniciwaga me jaoga niḡica ane yemaa mele mejinaga. Aaḡaga yalaḡata lotaga Aneotedoḡoji mida loniciwaga. Niḡidiaaḡidi jaḡaga yalaḡata micota minoa niḡaxinaganadi awitakaḡaga anodiḡaxinagatece ane deḡewi. Niḡijo jotigide Aneotedoḡoji naḡa iwi anigotediogi codaa me iloikatidi niḡijo oko ane abeyacaḡaga, odaa icota maḡaga iloikatidi niḡicoa niḡaxinaganadi awitakaḡaga. Niḡidiaaḡidi Pedro jaḡaga yalaḡata anodaḡee niḡica noko Aneotedoḡoji nige iwi anigotediogi niḡina oko, codaa anodaḡigote me yaḡadi niḡina iigo, leegodi libeyaceḡeco oko. Ele me nalaḡatibigoḡoji Aneotedoḡoji micota me yaḡadi niḡinoa aninoa me jinataḡa, odaa leeditibige me idineḡenaḡataḡa me ḡodewiḡa.

*Pedro yecoeditibige niḡina anonakato  
Goniotagodi*

<sup>1</sup> Ee, Simão Pedro, ee liotagi Jesus Cristo, codaa ee liḡexegi. Jiditibigaḡajitiwaji naḡadi iwakate notaganagaḡi, akaamitawece aneote Aneotedoḡoji manakatoni, anaḡaga igotedoḡowa. Gotiwagatakanegegi daḡaxa me diniwaloe, codaa Aneotedoḡoji yakadi me najigotedoḡowa

okotawece nigida gotiwaḡatakanegēgi leegodi Aneotedoḡoji iniaa Gonewikatitoḡodi Jesus Cristo me iḡenaḡatibigiwaji.

<sup>2</sup> Jemaa Aneotedoḡoji mepaanaga eletedaḡadomitiwaji, codaa meote ḡadaaleḡenali mele, leegodi mowoḡotitetiwaji Aneotedoḡoji iniaa Goniotagodi Jesus.

*Aneotedoḡoji eniditedoḡowa, codaa ḡodiolatedice eotedibige ḡodewiḡa meo niḡica ane yemaa mejinaḡa*

<sup>3</sup> Aneotedoḡoji ibake loniciwaga me najigotedoḡowa inoatawece ane jopoḡatibige mele me ḡodewiḡatema digo mijoataḡa mele, leegodi me jowoḡotaḡa. Aneotedoḡoji eniditedoḡowa mida anejinaḡatege leegodi ikee anodaḡeeteda me daḡaxa mele, codaa midioka limedi meote aneletogodomi.

<sup>4</sup> Joaniḡidaa leegodi Aneotedoḡoji meote niḡijo ane ligegitedoḡowa, oḡaa niḡijo ligegi daḡaxa me diniwaloe, codaa daḡaxa mida ane jaḡa. Eote niḡida ligegitedoḡowa me ḡodaxawa me ḡodewiḡa digo mijoataḡa, codaa eote me ḡodiwoko loniciwaga nibeyaceḡeco ane yaḡadi niḡina oko anida aneetege niḡina iḡo leegodi owo niḡinoa epaa lidaḡataka lolaadi ane beyagi.

<sup>5</sup> Enice jiniḡinoka adinoniciwaḡatitiwaji me iwaḡati Goniotagodi, pida ele maḡaḡakaami niḡina oko anidioka limedi meo anele. Pida jiniḡinoka adinoniciwaḡatitiwaji mawii anele, pida ele maḡaḡa idioka limedi moleetibige mowoḡoti niḡica Aneotedoḡoji ane yemaa.

6 Codaa jiniginoka adinoniciwaḡatitiwaji mowoḡoti niḡica ane yemaa Aneotedoḡoji, pida ele maḡaḡa adinajacaḡatitema niḡinoa lidaḡataka ḡodolaadi. Codaa jiniginoka adinoniciwaḡatitiwaji majacaḡati ḡadolaadi, pida ele maḡaḡa adinatiitalo niḡinoa ḡadawikodico odao aḡeyamaḡatice ḡatiwaḡatakaneeḡeḡi. Codaa jiniginoka adinoniciwaḡatitiwaji madinatiitalo ḡadawikodico, pida ele maḡaḡa awii niḡica aneo Aneotedoḡoji me ninitedibece.

7 Codaa jiniginoka adinoniciwaḡatitiwaji mawii niḡica aneo Aneotedoḡoji me ninitedibece, pida ele maḡaḡemaani niḡina ḡanioxoadipi. Codaa jiniginoka adinoniciwaḡatitiwaji memaani niḡina ḡanioxoadipi, pida ele maḡaḡa emaani inatawece oko anodaḡeeteda Aneotedoḡoji me yemaa.

8 Nigidioḡa limedi mawii niḡinoa ane-jitedaḡawa, odao aḡakaamitiwaji niḡina oko abaciḡaḡa, oteḡexaaḡaḡa akaami niḡina oko aneo libakedi ane diḡica jaḡaḡa, niḡina mabaatema Goniotagodi. Pida ḡabakedi ida ane jaḡaḡa leeḡodi mowoḡotitetiwaji Goniotagodi Jesus Cristo.

9 Pida niḡina oko ane daḡa dinoniciwaḡadi midaḡaee lewiḡa, niḡini oko liciagi niḡina oko ane daḡa leeḡitece me doletibece. Yaagidi Aneotedoḡoji naḡa napitaḡadi libeyaceḡeco niḡijo jotigide.

10 Enice niḡina baḡa adinoniciwaḡati ḡadakataga moiḡee Aneotedoḡoji me ḡadiolaatedice, codaa meniditedaḡawa mida aneniteḡe. Niḡadoniciwaḡati, odao niḡida makaamitiwaji aḡaleeḡeyamaḡatice ḡatiwaḡatakaneeḡeḡi.

<sup>11</sup> Codaa nigadinoniciwaḡatitiwaji, odaa Aneotedoḡoji ele me dibatedaḡagitiwaji midioka limedi midiaaḡonitice minitaḡa ninioxadi, anei midioka limedi me diigenataka Goniotagodi Jesus Cristo, ane Gonewikatitogodi.

<sup>12</sup> Joanigidaa leegodi me joletibige midioka limedi me jao manalakitibige anodaage ni me leeditibige me ḡadewiki, icaaḡica nigowoogotitiwaji, codaa nigatitetelogo nigijoa niigenatakanegeco anewi aneetece ḡotiwagatakanegegi.

<sup>13</sup> Ee yowoogo, malee idewiḡa me ḡadoniciwaḡatitiwaji manalakitibige anodaagee me leeditibige me ḡadewiki.

<sup>14</sup> Igaataḡa jowoogodi me daḡadiaa leegi, odaa ja ideleo, micataḡa daḡa jilatí, inenyagaditi yolaadi, iciagi niḡina oko ane alatí, odaa nenyagaditi nibal-aacogo. Igaataḡa jigidaa Goniotagodi Jesus Cristo ane nikeetediwa.

<sup>15</sup> Odaa idinoniciwaḡadi me jao midioka limedi manalakitibigetiwaji ane leeditibige midioka limedi me eni me ḡadewiki, nige ideleo.

*Nigijo oko anonadi notoetiigi Jesus ijaagijo anoditece lowooko Aneotedoḡoji*

<sup>16</sup> Ajiwitakaḡa niḡina me jatem-atiḡataḡawatiwaji anodaagee Goniotagodi Jesus Cristo meliodi notoetiigi nigijo negenagi. Igaataḡa okomogoko jinataḡa nigijo Aneotedoḡoji naḡa nelecaḡatee.

<sup>17</sup> Idejonaḡatice manitaḡa wetiḡa Aneotedoḡoji naḡa iweniḡide Jesus. Odaa Aneotedoḡoji ane Eliodi Jesus jeḡeote meliodi me datale Jesus. Odaa

Aneotedoꝑoji ane datale, anida nimawenegegi caticedi inoatawece, mee, “Niꝑidoa Ionigi daꝑaxa me jemaa. Codaa eote me daꝑaxa me idinitibece.”

<sup>18</sup> Okomogoko jajipaagatalo niꝑijoa Aneotedoꝑoji lotaꝑa ane icogotibigimece ditibigimedi, niꝑijo midiaagejonagatice nebi Goniotagodi manitaꝑa wetiꝑa, Aneotedoꝑoji ane iomaꝑaditedice.

<sup>19</sup> Jegepaanaga jowoogotaꝑa lotaꝑa niꝑijo anoyatematitedibece Aneotedoꝑoji lowooko niꝑijo jotigide, niꝑijoa latematiko ewi. Odaa ele matacolitece niꝑijoa latematiko. Igaataꝑa latematiko liciagi naꝑana lokokena ane datale miditaꝑa nexocaꝑa digoina iigo nigepaa yelogotibige. Odaa datale catiwedi gaꝑaalegena nigepaa niꝑica noko Aneotedoꝑoji ane nibikota Cristo nige dopitedijo. Odaa niꝑica noko liciagi niꝑina naꝑa nodi yotedi-eloodo niꝑidatege nigoi.

<sup>20</sup> Pida daꝑaxa mele mowoogotitiwaji me diꝑica ane yakadi me ibake niꝑica epaa lixakedi me yowoogodi lotaꝑa niꝑijo anoyelogoditedibece Aneotedoꝑoji lowooko.

<sup>21</sup> Igaataꝑa niꝑijo anoyelogoditedibece Aneotedoꝑoji lowooko aꝑoyelogoditedibece niꝑicoa epaa lowooko, otegeꝑaaga oibake niꝑicoa anepaa lixaketedi. Pida niꝑijo moyatematitedibece latematiko, Liwigo Aneotedoꝑoji yajaꝑadi lowooko, codaa ikeetiogi ane yemaa me ligegi Aneotedoꝑoji.

*Niigaxinaganadi anodiiigaxinagatece ane degewi  
(Judas 3-16)*

<sup>1</sup> Niigijo jotigide ijo oko awitakaga anodi moyelogoditedibece lowooko Aneotedogoji. Niigjoa awitakagaga icotiogi liwigotigi loiigi Israel. Odaa idaagee jagaga ototicogi gadwigotigitiwaji oko awitakaga anodi mewi modiiigaxinagatece gotiwagatakanegegi. Odiigaxinagatece niigaxinaganegeco ane degewiteda owotibige moibeyacagadi gatiwagatakanegegitiwaji. Niigjoa liigaxinaganegeco doide. Pida nigina oko agoyowoogodi niigjoa liigaxinaganegeco me lakapetedi Aneotedogoji lotaga. Codaa niigjoa awitakagaga modi Jesus me daga Goniotagoditeda ane nadoogodi lawodi meote me godilagatege Aneotedogoji. Joanigidaa leegodi Aneotedogoji nige yaagadi nigina me dogoditigi.

<sup>2</sup> Eliodi oko odioteci niigjoa liigaxinaganegeco, odaa owo niginoa ane beyagi godolaadi ane yemaa. Odaa leegodi mowo niginoa ane beyagi, odaa eliodi oko beyagi modotagatibige gotiwagatakanegegi anewi.

<sup>3</sup> Odaa leegodi me oceegaga niigjo niigaxinaganadi awitakaga, odaa odiniganinyetece ganinyeelotiwaji, codaa etigadinaaleni mowotibige me iwaagatitiwaji niginoa ane degewi. Pida ja jotigide Aneotedogoji me iwitediogi, odaa ja igo me iloikatidi, codaa me yaagadi niigjoa awitakagaga.

<sup>4</sup> Igaataga niigjo jotigide Aneotedogoji aika moiwoko niigjoa aanjotedi anowo ane beyagi, pida iloikatidi. Yokoletediogi manitaga

niwilogonagaxi nigica natinedi aneitice monibeotege nigica anodigotiogi. Odaa ja niwilotediniwace, odaa diigenatakatediogi monigoetiniwace oyatitiogi galeenatedi miditaga nexocaga monibeotege nigica noko nige iwi anigotediogi iditawece oko odaa iloikatidi leegodi loenataka ane beyagi.

<sup>5</sup> Codaa Aneotedogoji aiwoko nigijo oko abeyacagaga ane ligeladi digoina iigo maleedigicota nigijo aboogo-ninyogodi. Pida ja niige aboogo-ninyogodi me yaaqadi inatawece oko leegodi me nakapetegi. Pida Noé yatematitiogi ijotawece nigijo noiigi Aneotedogoji me igenaga, odaa Aneotedogoji eote me iwoko ijokijo Noé ijaagijo loiigiwepodi anijo seete oko.

<sup>6</sup> Codaa Aneotedogoji iloikatidi nigijo nigeladimigipitigi nigotadi Sodoma aniaa Gomorra, ane dagaxa minoa libeyacegeco. Odaa Aneotedogoji ja yalegi, odaa inoka yeyagatice lajimaga. Jigidaagigotediogi Aneotedogoji me ikeetediogi inatawece oko anodaagigotediogi nigina eledi oko anowo ane beyagi liciagi nigijo anowo nigeladimigipitigi nigidiwa nigotadi, odaa ja nakapetegi.

<sup>7</sup> Nigijo Aneotedogoji naga yaaqadi nigijoa nigotadi, begeote Ló me iwoko. Ló goneleegiwa ane igenaga, pida eliodi magecagalo leegodi libeyacegeco nigidi noiigi abeyacagaga anowote.

<sup>8</sup> Leegodi nigijo goneleegiwa ane igenaga idiaa ligeladi miditaga nigidi noiigi, odaa inoatawece nokododi nadi codaa wajipatibece nigijo oko mowo ane beyagi codaa me lakapetedipi Aneotedogoji. Odaa Ló laalegena anele eliodi

magecaḡalo.

<sup>9</sup> Odaa Goniotaḡodi Aneotedoḡoji yowoḡodi me yatamaḡatee niḡina oko ane iḡenaga niḡina ḡodaxakawa micaanigigota me domeḡeo me nawikodeeḡa. Coda a Goniotaḡodi Aneotedoḡoji yowoḡodi meote anigotediogi niḡina oko anodakapeteḡe me daḡa iwoko niḡica noko nige limedi me iwi coda me iloikatidi inatawece niḡina oko ane doḡoyiwaḡaditeda.

<sup>10</sup> Coda a Aneotedoḡoji eliodi me iloikatidi niḡina oko aninokowo ane beyagi anepaa yemaa niḡina lolaadi meo, coda a ḡoyiwaḡadi otaḡidaatece niḡijo anida naḡatetigi Aneotedoḡoji ane yajigote.

Niḡinoa niḡaxinaganadi awitakaḡa ḡica anodeemitetibige coda a anaxakenagaḡa. Coda a ḡodoita niḡina me beyagi modotaḡatibige niḡicoa aanjotedi digoida ditibigimedi ane dataletibigiwaji liciagi Aneotedoḡoji me datale.

<sup>11</sup> Niḡicoa aanjotedi ida nimaweneḡegi caticedi niḡinoa niḡaxinaganadi awitakaḡa, coda a daḡaxa meletibigiwaji caticedi niḡinoa niḡaxinaganadi awitakaḡa. Pida niḡicoa aanjotedi baadaḡa beyagi modotaḡatibige niḡinoa niḡaxinaganadi awitakaḡa oteḡexaaḡaḡa nilaagetedipi lodoe Goniotaḡodi Aneotedoḡoji.

<sup>12</sup> Pida niḡinoa niḡaxinaganadi awitakaḡa onietigi niḡinoa ane digicoa moyowoḡodi. Oda a jiḡidaa me liciagi niḡinoa eijedi aninoa me ḡodawikajetedi. Coda a onietiniwace niḡinoa ane doḡoyowoḡoditeda, oda a jiḡidaa Aneotedoḡoji micota me yaḡadi digo micataḡa me jinigotaḡa niḡinoa eijedi ane ḡodawikajetedi.



<sup>13</sup> Jiğidaa Aneotedoḡoji me yajigotediogi niḡica loojedi ane iḡenaga niḡinoa loenataka ane beyagi. Jiğidiaaḡidi niḡica ane daḡaxa macipeḡegipi, codaa mowo niḡina ane napiro i datawece noko. Niḡina me ḡaḡiiwepodi owote niḡinoa ane beyagi, odaa niḡinoa anowote liciagi niḡina liwile niḡina nowoodaḡagi ane yapidi aneo me ḡodiboliḡa.

<sup>14</sup> Oiwita niḡina iwaalepodi, odaa ja lowoogo doḡodaa noomatewadi, codaa idioka limedi mowo ane beyagi. Oninaaletiniwace niḡina oko ane daḡa datiteteloco eliwaḡatakanegegi, codaa oyowoḡodi modinigaanyetece niḡinoa ane nepilidi eledi oko, leegodi agiloḡonadi mowote niḡiḡoa loenataka ane beyagi. Pida Aneotedoḡoji ja nixootediniwace.

<sup>15</sup> Niḡiḡo noḡoika naigi anewi, odaa jaḡaniatagigipi. Odaa joḡodioteci niḡiḡo naigi ane deḡele, odaa ja liciagi Balaão, niḡiḡo lionigi Beor, aneo niḡiḡo jotigide, leegodi daḡaxa me yemaa me dinigaanyetece dinyeelo meo niḡina ane beyagi.

<sup>16</sup> Odaa Aneotedoḡoji ja yapeteḡe Balaão leegodi libeyacegigi. Jowoḡotaga naḡana emadica me daḡa dotaga. Pida Aneotedoḡoji eote naḡajo Balaão nemadica me dotaga micataga niḡina oko, odaa jiḡidaaḡee Aneotedoḡoji me ibake naḡajo emadica me yoxoḡo Balaão me domeḡeo niḡica letoleḡegi.

<sup>17</sup> Niḡinoa niḡaxinaḡanadi awitakaḡa liciagi niḡina ninyoḡodi libegi ane ipe, codaa liciagi niḡinoa loolatedi niwocotaga ane nadeegi, pida aḡica ebici niḡina me domaga jopoḡatibige ninyoḡodi. Aneotedoḡoji ja iomagaditetema niḡica aneyate niḡinoa niḡaxinaḡanadi

awitakağa niğica ane dağaxa me nexocağa me iloikatidi nigepaa ganigicatibige.

18 Anağaxakenağaga niğina me notaganaga, codaa oibake niğinoa notağa yetoledi. Niğina me notaganaga, odaa oyalagata niğinoa lidagataka godolaadi moninaaletiniwace codaa moyamağateeticoace niğina oko ane gela me domoğoika niğina oko anepaa dininaaletibigiwaji leegodi niğina mowo ane beyagi.

19 Niğidi niğaxinaganadi awitakağaga moditiogi niğina oko moyakadi moika niğinoa Aneotedoğoji liigenatakanegeco. Pida idiağidi liotaka nibeyaceğeco ane yağadi niğina oko, igaatağa nibeyaceğeco joğodinigaanyetece codaa ja iige lewiğa.

20 Niğica nibeyaceğegi yağadi niğina oko anida aneetege niğina iigo. Pida niğina oko yakadi me iwoko niğina ane beyagi niğina nigoyowoğodi Goniotagodi Jesus Cristo, ane Gonewikatitogodi. Pida nige dibataciogi niğica ane beyagi, odaa nigeyamağaticoace, odaa niğina oko liciagi ja dağaxa me beyagitibigiwaji caticedi niğijo maleedogoyowoğoditeda Goniotagodi.

21 Niğina oko meyamagaticoace meniwağatakanaga, domağa dağaxa meletema niğidi oko daaditiğica moyowoğodi naigi ane igenaga, odaa agele niğina naga domoğoyowoğodi naigi ane igenaga, odaa jegeyamagaticoace odaa ağaleegoditece Aneotedoğoji liigenatakanegegi anijo modibatege.

22 Niğina noğodiotaceci lewiğa oxiiğodi, odaa

oikee niḡida nigeḡi mewi, niḡina moditibece, “Niḡina necenigo opitege lokomaḡa, codaa niḡina nigidagiwaḡa anonileḡe icotaca me dinapaloaḡatidi.”

### 3

#### *Lanokegi Goniotaḡodi*

<sup>1</sup> Yokaaḡetedipi yemaanigipi, naḡajo eledi iwakate notaganagaxi ane jiditibigaḡajitiwaji naḡajo odoeje iwakate. Odaa naḡadi jeḡeledi iwakate notaganagaxi ane jiditibigaḡajitiwaji, jaotibige manalakitibige codaa me ḡadaxawaneḡegitiwaji mowoo niḡijoa baanaḡa jiiḡaxinaganagatece, leeḡodi joḡoleetibigetiwaji mowoo niḡica ane iḡenaḡa.

<sup>2</sup> Jemaa manalakitibigetiwaji lotaḡa niḡijo anoyeloḡoditedibece lowooko Aneotedoḡoji niḡijo jotigide, niḡijo anida aneeteteḡe Aneotedoḡoji. Codaa jemaa manalakitibige liḡenatakanegeco Goniotaḡodi ane Gonewikatitoḡodi, niḡijoa niḡenatakanegeco anoiḡaxitedaḡadici niḡijoa liḡexedi Goniotaḡodi.

<sup>3</sup> Odoeḡegi nimeḡi leeditibige mowoḡotitiwaji niḡica anodaagee nigowidijedi nokododi niḡina iḡo, odinikeetaḡawa ḡoneleegiwadi anetiḡadamenitiwaji. Niḡinoa lidagataka ḡodolaadi ane beyagi oiiḡe lewiḡa niḡidiwa ḡoneleegiwadi.

<sup>4</sup> Codaa moditibece, “Jesus Cristo ligegi me dopitedijo digoina iḡo. Pida igoataḡa? Akaa ligeḡitediogi niḡijo ḡodiododipi, pida ja nigo, codaa

idioka limedi niḡijo anejinaḡa maleekoka yoeteda Aneotedoḡoji niḡina iḡo!”

5 Niḡidiwa ḡoneleegiwadi domoḡoyemaa moyaagiditibige niḡijo jotigide Aneotedoḡoji mokexaa ligegiteda, oḡaa jḡidaaḡee naḡa iliidaḡadi ditibigimedi codaa me iḡo. Oḡaa Aneotedoḡoji ibake ninyoḡodi meote niḡina iḡo. Oḡaa naḡa iomaḡadi ninyoḡodi, oḡaa ja dinikee iḡo liwigotinigi ninyoḡodi.

6 Oḡaa niḡidiaaḡidi Aneotedoḡoji ja ibake ninyoḡodi me yaaḡadi ijoatawece anijo niḡijo jotigide naḡa niḡe abooḡo-ninyoḡodi me yapoḡoditedini inoatawece niḡinoa aninoa digoina iḡo.

7 Pida niḡinoa nokododi Aneotedoḡoji eyotetteda ditibigimedi codaa me niḡina iḡo. Oḡaa aḡaḡa ibake ligegi me doweditedeloco nigepaa niḡica noko nige ibake noledi me yaaḡaditace inoatawece niḡinoa aninoa. Niḡica noko Aneotedoḡoji iwi anigotediogi, codaa yaaḡadi niḡina oko ane nakapetegi.

8 Yokaḡetedipi yemaanigipi, jinaga ḡadaagititiwaji Goniotagoḡodi me idigote onidateci noko me micataḡa ḡaḡa onaniteci miili nicaaḡape, codaa idigote onaniteci miili nicaaḡape me micataḡa ḡaḡa onidateci noko.

9 Goniotagoḡodi adinopaḡadi meote niḡina ane ligegi, codaa alowoocaḡawa niḡina oko anodiletibige daaditiḡicota niḡina ane ligegi. Pida Aneotedoḡoji dinatitedaḡawatiwaji, leeḡodi ayemaa diḡica ane yaaḡadi, pida domaḡa yemaa minatawece oko dinilaatibigiwaji, oditaḡa joḡoika

mowo ane beyagi.

10 Pida niḡica noko anicota menagi liciagi niḡina oliceḡegi me daḡa inibeonaḡatege, codidigida nigenotio. Jiḡidaaḡee niḡica noko Goniotagodi nige iwi anigotediogi codaa me iloikatidi niḡina oko. Niḡica noko inoatawece digoida ditibigimedi daa. Niḡica nige daa odaa eliodi niḡica layaageḡegi. Odaa inoatawece anejinataḡa digoida ditibigimedi yabidi, odaa iḡo codaa minoatawece ane loenataka niḡina oko yabidi.

11 Odaa nige niḡidaaḡee Aneotedoḡoji me yaaḡadi inoatawece ane jinataḡa. Enice, igamodaa leeditibige mejinaḡa me ḡodewiḡa? Leeditibige me jikanaga inoatawece ane beyagi, odaa ele me joleeḡatibige me ḡodewiḡatema iniokiniwateda Aneotedoḡoji.

12 Codaa leeditibige me idinenyaḡataḡatege niḡica noko, odaa joleeḡatibige me idinoniciwaḡataḡa me jigotaḡa libakedi Goniotagodi amaleeḡaga jinagenaga meno niḡica noko Goniotagodi. Niḡica noko Aneotedoḡoji yalegi, codaa me yaaḡadi ditibigimedi, codaa dalole inoatawece niḡinoa aninoa digoida ditibigimedi.

13 Pida baḡa inibeonaḡatege Aneotedoḡoji ane ligegitedoḡowa meote. Eote gela ditibigimedi, codaa me gela iḡo aneitice niḡina oko ane nepilidi Goniotagodi mowo inokina ane iḡenaḡa.

14 Enice, yokaḡetedipi yemaanigipi, maleeḡanibeoonitege niḡica gela ditibigimedi icaḡica gela iḡo, adinoniciwaḡatitiwaji me daḡadiaaḡica ḡabatiigi, codaa oleetibigetiwaji

gadaalegena me yapidi lodoe Aneotedoꝑoji amaleegaga eote gadaalegenali mele.

<sup>15</sup> Digowoo Goniotagodi Aneotedoꝑoji eliodi me dinatitediogi niḡina oko eotedibige moyakadi modinilaatece libeyacegeco, codaa me iwoko nige limedi Goniotagodi Aneotedoꝑoji me iwi anigotediogi me iloikatidi niḡina oko. Odaa jiḡidaa ḡonioxoa Paulo ḡodemaanigi me didikotibigaḡajitiwaji. Niḡina me didiko, ibake lixakedi Aneotedoꝑoji ane yajigote.

<sup>16</sup> Odaa inoatawece niḡinoa liwakatedi ane iditedi yalaḡata niḡica noko Aneotedoꝑoji, codaa anodaa leeditibige mejinaḡa me ḡodewiḡa. Iditedini niḡinoa notaga ane ḡalaga me jowoḡotaḡa ane diitigi. Odaa niḡina oko ane degeliodi eliwaḡatakanegegi, codaa niḡina oko ane doḡoyemaa moyowoḡodi niḡica anewi, odaa niḡidi oko aiḡenaḡa moyeloḡodi lotaga Paulo, odaa idaḡodigotalo moyatemati eletidi liwailidi Aneotedoꝑoji lotaḡanaḡaxi. Odaa jiḡidaa leegodi Aneotedoꝑoji micota me iloikatidi codaa me yaḡadi niḡidi oko.

<sup>17</sup> Yokaḡetedipi yemaanigipi, akamaḡakaami joḡowoḡotitiwaji micota mina niḡaxinaganadi awitakaḡaga. Odaa adinoweti me daḡa iwitece liḡaxinaganegeco niḡinoa ḡoneleegiwadi abeyacaḡaga ane doḡoyiwaḡaditeda liḡenatakanegeco Aneotedoꝑoji. Nige iwitece niḡinoa liḡaxinaganegeco niḡinoa ḡoneleegiwadi, odaa jaḡamiḡiticoace naigi anele, codaa ḡatiwaḡatakanegegi aḡalee yoniciwadi.

<sup>18</sup> Pida oleetibigetiwaji ḡatiwaḡatakanegegi midioka limedi me ili leegodi daḡaxa

meletedogodomi Goniotagodi Jesus Cristo ane  
Gonewikatitogodi. Codaa adinoniciwaęatitiwaji  
mepaanaga owoogoti Goniotagodi. Jemaanaga  
inatawece oko moiwenigide Goniotagodi niginoa  
nokododi, nigepaa ganigicatibige. Odaa  
jigidaagee. (Amém).

## **Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)**

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

### **Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Kadiwéu

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---



PDF generated using Haiola and XeLaTeX on 18 Apr 2025 from source files  
dated 29 Jan 2022  
7128a549-e957-5460-8c56-0f5281edf264